

摘藻堂四庫全書薈要

集部

欽定四庫全書薈要

集部

御選元詩卷三十四

詳校官原任主事_臣李斯咏

欽定四庫全書薈要卷一萬八千四百四十六

集部

御選元詩卷三十四

五言律詩一

耶律楚材

用萬松老人韻寄鄭景賢四首

錄二首



隱隱三星出依依片月沉
鶴飛遼海闊猿嘯楚山深
柳色雲沾袖蘆花雪滿襟
普天秋意露一葉墜梧林

漁家何足好乘興一鉤沈
路僻蒼苔滑舟橫古渡深
小

晴掀蒨笠微雨整蓑襟夢斷知何處寒潮沒晚林

西域河中十詠

錄三首

寂寞河中府連蔓及萬家蒲萄親釀酒杞欖看開花飽

啖雞舌肉分餐馬首瓜

土產瓜大如馬首

人生惟口腹何礙過

流沙

寂寞河中府西流綠水傾衝風磨舊麥

西人作磨風動機軸以磨麥

懸碓杵新杭

西人皆懸杵以春

春月花渾謝冬天草再生優游

聊卒歲更不望歸程

寂寞河中府西來亦偶然每春忘舊閨隨月出新年強
策渾心竹難穿無眼錢異同無定據俯仰且隨緣

西人不計

閏以十二月為歲有渾心
竹其金銅芽錢無孔郭

郝經

雨中感懷

舍館年年老江邊日日陰雨聲便熟睡花氣動幽吟樹
密鶯愁濕庭荒雀畏深晚風吹鼓角慙媿弭兵心

江雲

江雲似江水渺渺復粼粼
晝靄無窮態紆餘不盡春
遮回斷行鴈望殺未歸人
何日星軺路馮高更憶親

新館感春

東風吹散褐水氣撲虛簷
月窟星河淡江城鼓角嚴
年深愁不醒春至恨猶添
為問秦通守何顏說錦簾
佇立無人語巡簷思慘然
夜江寒浸月春樹暝生煙
計拙仍持節途窮擬問天
難為繞指鐵萬折志彌堅

癸酉閏六月十三日夜病中聞笛

深夜涼風發迢迢送笛聲只愁江月破不放野雲行怨
曲人多感離腸恨易生病中催坐起傾側若為情

楊奐

宿草堂

百頃逍遙苑千年羅什家荒林藏屋小細徑逐溪斜老
檜今何在瑞蓮春自花山靈憎俗駕朝暮白雲遮

留別儒禪

溪行魚不畏巖宿虎相隨怕客談新事逢人誦舊詩衲

輕聊覆體米滑欲翻匙僧臘知餘幾霜髭已滿頤

雨夜

關河隔千里筆硯寄餘生老覺鄉心重閒知世念輕微
風搖竹影細雨簌簷聲落魄緣何事吾今不用名

訪耿君玉隱居

居幽穿洞府岸狹束溪流細逕鄰翁熟懸崖遠客愁橋
明山月上窗暗野雲浮世事何曾到年侵亦白頭

飲山家

為愛春風好乘時把一杯百年雙眼在萬事寸心灰
花向坐中落客從雲外來詩成無紙筆畫地惜蒼苔

晚至青口

長年困行役短髮易飄零世事驚春夢交親散曉星
燒痕侵路黑柳色夾隄青落日明霞底原情動鵲鷁

浮生一首懷裕之

漢節飛雲外秦城落照邊浮生空自老歸計定何年
淚滿陳蕃榻心搖祖逖鞭短詩聊遣興羞向故人傳

撫州

北界連南界昌州又撫州月明魚泊夜霜冷鼠山秋為
客無時了勞生有許愁殘年嬰世網吾欲謝浮鷗

至滑州隄

舊事悲存歿殘年厭往還孤城晴雪底雙塔暮雲間馬
沒長堤在龍歸老井閒隔林青數點多是濟州山

宿南石橋

江流平入楚山勢遠連秦岸柳猶含凍溪花欲破春石

銜車轍古沙印虎蹄新晚境長為客空山不見人

出鴉路宿北石橋

燒火連山暗春雲出谷遲避人投野店繫馬就疎籬舊
字積垣在新愁客枕知清明無幾日細與數歸期

承德亨見訪

世事元無定人生只合閒君今悲白髮我亦負青山廢
郭官居冷荒年旅食慳最憐情意厚朝至暮方還

次荅正卿

客愁青鏡裏歸夢白鷗邊故國人何在新秋月正圓米
鹽逢此日詩酒負殘年長羨平林鳥雙飛入暮煙

未歸

渭水遙通洛函關近隔秦百年垂老日千里未歸身夢
寐嫌為客妻孥不諱貧一官無可戀花氣五陵春

雨夜

窗秋風獵獵檐夜雨頻頻蛩韻愁於我燈花笑向人此
身猶在洛何日定歸秦不必黃梁熟真慚白髮新

泊舟老鸛嘴

袞袞風生背涓涓月印沙船頭平壓浪櫂尾旋生花老去長為客愁來轉憶家雙棲疎影裏羨殺柳橋鴉

送靳才卿之平陽

却向西州去蕭蕭雪滿簪丘園初到眼兒女總關心汾水野煙白霍山寒霧深得歸歸更好吾亦愛秦音

呈君美

上陽門外路日暮獨歸時齒髮各衰謝風塵仍別離斷

雲橫紫閣急雨掠蒼陂地勝饒新句君將寄阿誰

懷同祖鄉

東府倉皇別西河迤邐回元戎期坐嘯上客入行臺夢
裏惠連句生前張翰杯龍池清似染應恨不歸來

宿重陽宮

村落到山盡軒窗臨水多野禽如舊識鄰叟漸相過林
靜連官竹籬疎補女蘿夜深眠不著倚杖看星河

陶君秀晉人嘗為司竹監使因祖淵明嘗游五

柳莊為立五柳祠在縣東西原方見有祠堂詩

碑

淵明詩寄陶
監使君秀

向禹城侯先生司竹時與扶風

張明叙六曲李仲常鳳翔董彥材從之學如白

雲樓海棠觀所謂勝游也兵後吾弟主之亦西

州衣冠之幸感今慨昔不能不惘然也握手一

笑知復何年敢以此為質兼示鄴亭趙秀才四

首

家世江頭令風流竹裏仙海棠烘曉霽野筍澹春煙尊

組違今日絃歌記昔年挂冠吾有意送老白雲邊

違別亦已久蕭蕭雙鬢絲自憐多病後不似早年時暮
雨千山道春風五柳祠剩留溪上竹到處刻新詩

不見長楊館人家只翠微溪流環監署林影入宮闈花

鴨夜方靜竹飜秋更肥青仙無處問老淚欲沾衣

侯先生

臣沒後其家人輩夢
為青仙觀管香使

老病鄉心重艱危世契疎少年知自立近日定何如渭
上千叢玉陂頭半尺魚往來元不惡容我坐籃輿

楊惟中

夜泛赤壁

暫艤清江舸來登赤壁山
怒虬松偃映漱玉水潺湲
明月尊前色丹崖戰後顏
高城催暮角醉倚櫓歌還

許衡

不寐

秋宵初感慨展轉不成眠
老況青燈外羈愁白髮邊
蹉跎嗟往事安穩憶歸年
却起開門望霜清月滿天

別友人

良朋不易得此去復誰羣別酒無勞勸濃愁已自醺間
開花外鳥冷淡日邊雲莫唱陽關徹離聲忍更聞

喜晴

霽色開晴望春風破客顏綠紆東去水青起北來山魏
府方期往共城已夢還芳菲梅塢盛要醉竹花間

趙氏南莊

曉起北窗涼清談戢羽觴入簾花氣重落地燕泥香夢

裏青山小吟邊白日長
秋風載書籍相對築茅堂

夜雨

苦雨變秋霖瀟瀟入夜深
亂敲驚葉脫清響雜蛩吟
往事十年夢故鄉千里心
西風助淒切不管客難任

張弘範

雨霽登樓

樓外雨初霽乾坤望眼明
岸高秋漲滿簾卷暮霞生
燕入泥香潤龍歸海氣清
闌干殘照底一片古今情

柳塘避暑

避暑溪塘上，翛然林木疎。
挂冠疑過鳥，濯足礙行魚。
雨過波紋細，風來樹影虛。
消閒長日事，綦罷數行書。

徐世隆

紀夢

我夢天倪子，同登日觀峰。
骨強清似鶴，步健老猶龍。
方外無官府，堂中有岱宗。
仙閣真福地，杖屨會相從。

劉因

登武陽

朝游樊子館
晚上武陽城
潮接滄溟近
山從石碣生
斷虹雲澹白
返照雨疎明
且莫悲吟發
樵歌已愴情

滿城道中

學館三年夢
西山此日行
人生兩屐足
世累一蓑輕
別澗水流合
斷林煙補平
誰能分半壑
相與結巖耕

奇村道中

此日西塘路
乘閒作勝游
深深柳成巷
脉脉稻分溝
白

石長含雨黃花不受秋移居新有意試就野人謀

秋望

病骨秋偏早單衣露更寒微雲生水際暝色起林端地
迴月遲下樓高山易殘輕風吹欲舉醉袖拂層巒

王惲

秋夜

臥榻鋪筠簟風簷遞晚涼雲枯涵旱氣星爛射寒芒鐘
鼓寒更永乾坤夜色蒼時危關百慮低首拊空牀

星子鎮道中

北下星關道川開百里寬
夢殘傾錦帟吟細緩征鞍
土峽深回洞山田疊醺壇
一杯亭傳酒來為蔽霜寒

田間

斜日秋瓜圃雲間雨過初
平疇交晚吹涼意滿輕裾
草木浮元氣河山擁草廬
拊心欣有得重展故人書

午憩陽城北龍泉寺

倦客鞭催急龍泉一解鞍
在家貧亦好行路古來難
寺

古松杉老山空水石寒萬松亭廢久重拂短碑看

碑大定間

澤州刺史楊庭秀撰真奇作也

清苑道中

野店春風裏行人避繡衣
劍花寒有暈山日慘無輝
孤隼梢雲下羣鴉結陣飛
驚鷗無遠泛事外本忘機

首夏家居即事二首

懶幘從鬢鬢披衣任曳裾
都忘身外事貪讀意中書
比老心能爾雖貧樂有餘
繞園欣細履樹影綠扶疎

竹茂資泉潤花榮藉圃沙鈎簾來舞燕鎖樹護棲鴉客
至留酤酒吟長待煮茶幾時容却掃一向似山家

和仲常牡丹詩

漢殿承恩早金盤薦露新色酣中省樂香重錦窠春儘
殿羣芳後誰辭載酒頻清如司馬相也作插花人

王構

淤泥寺

野寺消煩暑長途促晚行落霞明遠岫返照下孤城月

傍山村出風從古渡生僕夫毋乃倦彼此亦關情

王旭

西溪

我愛西溪好披雲屢往來一川煙景合三面畫屏開薄
俗無商隱清時有逸才近巖多隙地松竹更須栽

程鉅夫

天門山

萬里瀾漫地天門據要衝乾坤大開闢江漢此朝宗往

事空多壘千年只二峰舟人亦癡絕遙認兩眉濃

板橋午食

縣郭二十里板橋三五家西風熟禾黍陸地富桑麻去
歲遭洪水高林帶舊槎他鄉豈不好無奈此生涯

孤雲

渺渺從何起亭亭只自飛朝隨風鶴去暮逐雨龍歸幾
度超滄海多應點翠微何時能借我裁作羽人衣

重送戴道士

并序

予既作霞川詩送戴君提點其所稱述翰林從事
邵生為予言如此後數日太常博士虞伯生來言
君所適者越也非天台所謂霞川乃在桃源蓋用
以自號者請更賦

被命將居越扁舟指會稽海雲迎棹起江月照人低有
道蟠龍虎無心混鷺鷥霞川隨處是何必武陵溪

元淮

鳳皇臺

此地可消憂
長江不斷流
橋邊朱雀市
城外白鷗洲
鳳去名猶在
潮回浪倒收
六朝春夢散
遺跡在荒丘

徐明善

奉使安南世子陳日炫於席間索詩口占

乘傳入南中
雲章照海紅
天邊龍虎氣
塞外馬牛風
日月八荒燭
車書萬里同
丹青入王會
茅土昨無窮

方回

出馬家塢

野迴夏無暑塢深朝更涼路隨流水轉山背古城荒縣
宇欹紅閣僧菴出粉牆暗驚兵火後猶有數蓮塘

次韻汪翔甫和西城呂全州見過

想見花開路籃舁草草裝叩門馴犬喜入室蠹魚香躡
石苔黏屐眠松露滴牀馬知人世事積甲又宜陽

虛谷志歸十首

錄二首

共道歸何晚猶能喜欲狂幼兒初拜揖癡女僅梳妝有
筆修花譜無錢闢草堂新添竹踰百風徑細尋香

衰晚真當戒疎慵，竟未能病專從酒。
得謗輒為詩興，每悔居城市常思絕。
友朋誰來敲竹戶，又見醉吟僧。

次韻志歸十首

錄二首

老不任時棟窮猶宅士，鄉端能甘澹泊未覺厭。
荒涼古井深泉冷，閒庭異草香田翁來問字，略為說偏傍。

解語鶯能巧，交飛蝶許狂。
苔紋深翠毯，榴靨競紅妝。
粗已成幽圃，猶當築小堂。
未妨無暑藥，熟水紫蘇香。

秋到

秋到山居僻貧無異味嘗擘黃新栗嫩炊白早秈香漸
減家人病徐添夜氣涼憑誰理荒穢籬落菊苗長

治圃雜書四首

天地一閒人園林數畝春認苗諳藥性養果護花身社
友同蔬飯鄰兒笑野巾空庭維老馬不出動經旬

汲水洗青石寘之盛酒樽身閒宜獨坐手冷喜時捫曉
露黏花片春苔蝕浪痕從吾已安穩不復動雲根

花有如罌粟能同橘不遷茄藤宜硬地豆莢惡肥田元

總齊民術夷吾土物篇園丁初未讀口訣自相傳

芍藥抽紅銳茶縻縵綠長幾家蠶落紙比屋燕分梁穀
雨深春近茶煙永日香詩成嬾磨墨拄杖畫苔牆

戴表元

茗溪

六月茗溪路人言似若邪漁罾挂梭樹酒舫出荷花碧
水千塍共青山一道斜人間無限事不厭是桑麻

道桐川欲訪梅右司不知其處

桐川蕭灑處面面碧芙蓉峻塔當關獨清溪挹郭重市
多吳客語祠有漢時封欲覓梅仙去知藏第幾峰

和鄧善之秋興

鬢髮日夜老神仙那可求揚雄識字苦元晏著書愁碧
酒紅蓮夜朱絃白鴈秋論心得少暇同上最高樓

次韻荅應德茂雪後遠寄

山中不來久何處度殘年人悶如中酒村荒似禁煙將
茶冰箸煮移枕雪蓬眠更肯狂歌否春風雙玉船

史昭甫招陳宗魯之長興

之子滄浪去三吳西更西白鹽尊菜膾紅酒稻花雞地
少驚雲滿天空見日低錦囊看爛漫佳客醉留題

頓寒懷單祥卿教諭時新開酒禁

霜花一夜白風葉滿村黃欲出歲華老相思江水長留
枝遮鵲戶存蜜補蜂糧想見山行處開窗新酒香

社日城南山作

社日年年雨江花處處春漸成垂白老不見踏青人榆

柳邊聲雜龍蛇歲事新端來近城郭猶自厭風塵

趙君理約同途不至

待子不來久煙山看樹青為吟天外句更立水邊亭
雨暖催科斗雲深長茯苓鄰居亦有約休待鬢星星

同諸子行上畝山

白石秋更潔青溪寒自鳴牛羊爭道路鳥雀聚柴荆
野果高低熟山田早晚耕吾歸任衰嬾兒輩託平生

仇遠

錦城方天瑞元英先生後人得白雲山居圖仿
彿桐廬山中隱所舜舉真跡別有一種風致漫
系以詩

翼翼山千朶蕭蕭屋數間石崖不可渡門徑幾曾關綠
樹經秋在白雲終日間依稀鑑湖曲西島水迴環

為如鏡淨上人賦

一片靈臺月圓明適中規誰知相對者曾悟未磨時去
垢元來淨觀空了不疑水邊閒獨立照見白鬚眉

寄題如鏡上人房

吳城久卜居歸夢只西湖花木四時有塵埃一點無看
經常戒酒得句少催租盡日坐相對僻間蓮社圖

白珽

春日田園雜興

雨後散幽步村村社鼓鳴陰晴雖不定天意自分明柳
處風無力蛙時水有聲幾朝寒食近吾事及躬畊

山中懷友

幾年音問絕此夕更關情寒雨人孤坐殘燈鴈一聲干
戈猶故國貧病自空城惟有琴堪訴愁深彈不成

清和

白苧漸相便因知物候遷空山一雨後小檻綠陰前鶯
在留春思人幽減晝眠此時風日好元不似梅天

餘杭四月

四月餘杭道一晴生意繁朱櫻青豆酒綠草白鵝村水
滿船頭滑風輕袖影翻幾家蠶事動寂寂晝關門

吾丘衍

次韻謝錢翼之

筆翰西臺妙文章五鳳樓美才須比玉直道豈如鉤吳
苑辭春色江風散旅愁吾廬正蕭颯二仲得羊求

與鄰寓人隔屋對月夜話

禦寇連牆屋神交得謝瞻

謝有隔屋
夜語事

偶逢吾所契共語

月當檐微祿終何補良才尚此淹憑君縱玄論未怪發

幽潛

龔璠

嘉定州道中寄庶齋

客夢孤雲散漁翁一帆投人行江路晚花繞槿籬秋有
酒誰同醉還家此暫留中年髮盡白豈必為離憂

郭祥卿同游虎丘

弱植有緩步同游無雜賓清陰山寺古紅樹石楠春丘
壠埋吳國園林閱晉人不應繫舟處猶是去年津

偶題

宿雨池館淨閒官造請稀石榴朱夏色山鵲青雲飛遐
矚臨風檻冲襟散暑衣陳編撫芳潤脉脉髮初晞

郡樓

久客有遠思肩輿登郡樓聊為避暑飲更學御風游疊
翠城南面雙虹水北流流將五湖去葉葉采蘋舟

袁易

杭州道中書懷四首

錄二首

白霧龍舟楫青山失畫圖往來迷只尺收斂忽斯須野

曠連飛鵲江清映浴鳬還將明媚色且復慰征途
堤柳欹招纜汀花笑入舟高歌鳬鵠起闊視水雲流牢
落江淹恨飄零庾信愁都將付尊酒短髮得禁秋

重午客中三首

錄一首

往恨湘纍遠他鄉楚俗同流傳存弔祭汨沒見英雄竹
葉於人綠榴花此日紅未須嗟旅泊吾道豈終窮

寄吳中諸友六首

錢德鈞

風雨蕭蕭裏雞鳴夜向晨簡編心力盡燈火鬢毛新餘
地知游刃何人解斲輪願君毋割席漂轉暫埃塵

蕭子中

並馬春風陌高歌夜雨牀遨遊前夢失漂泊此身忙綠
酒西湖色冰肌六月涼難招髯似戟來對玉成行

湯師言

卓行拘常調微官更數移君懷同棄屣吾道歎如絲
落才高世飛騰命與時晚成梁棟器剝破十年遲

唐希賢

枉策招尋密高談謔浪俱他鄉懷楚奏何日攬桓須白
月垂文練青天落酒壺看君話心事餘子盡崎嶇

趙明仲

共話巴山雨曾題華步秋儒官雖寂莫公子是風流即
擬同吳詠焉知效楚囚江南新作賦寄爾恐添愁

馮景說

之子華簪裔輦瓢祇晏如為郎應駐輦延客愧無車早

託襟期合能容禮法疎一燈何足共料理讀殘書

正月十六日與德鈞子敬翼之洎兒子震遊東

季博山園賦詩

我愛山園好芳堂隱薜蘿野雲棲不去風葉埽還多暫
憩忘城郭長謡咏澗阿不嫌頻啟鑰重過意如何

郭麟孫

題趙榮祿水村圖

澤國淨秋色遠山橫夕煙水田羣鴈起蘆渚一冒縣林

樹幾間屋君家若箇邊
扁舟何日去相伴白鷗眠

與龔子敬同賦

清遊及新霽緩步得佳賓
古木寒泉寺鳴鳩乳燕春
山行六七里舟受兩三人
總是曾經處何須更問津

黃庚

秋晚山行

鏗然短策聲無事覺身輕
落葉山行輒流泉澗飲清
蟹痕沙露濕鴈影夕陽明
歸路逢林叟班荆畝隱盟

夜坐即事

對影坐清夜蕭然鬢已華
詩慳難就稿燈暗不成花
易醉愁邊酒頻歸夢裏家
何時鋤舊圃學種邵平瓜

翠峰菴即事

竟日尋幽處杖藜不憚遙
客行黃葉路僧立碧溪橋
巖瀑飛寒雪松風吼夜潮
是山皆可隱何用楚辭招

王脩竹館舍即事

池館翠涼處寬閒稱客居
未仙猶閨苑不夢亦華胥
竹

淨堪居鶴荷香欲醉魚心清無箇事長日一編書

贈葛秋巖時寓能仁蘭若

蘭若分清隱秋窗飽看山風霜雙鬢老天地一身閒拄
杖穿雲去吟囊貯月還詩成誰與語時訪竹林間

夜坐即事呈脩竹

一室冷於冰秋高夜氣清月窗攬燭影風葉亂琴聲寡
慾知身健安貧覺累輕吟邊閒倚竹誰識此時情

春日西園晚步

為愛園林好，筇枝伴獨行。
花香能醉蝶，柳色欲迷鶯。
但得青春在，何妨白髮生。
斜陽紅盡處，一抹暮山橫。

書所寓

不厭茅廬小，棲棲寄此身。
菊殘如倦客，梅瘦似詩人。
有地堪藏拙，無方可療貧。
并州故鄉夢，長憶鑑湖春。

送別胡汲古

自憐身是客，又送客登舟。
雖有重來約，難禁一別愁。
風煙迷柳驛，草樹暗春洲。
後夜懷人處，山空月滿樓。

對竹

門對南鄰竹青青玉萬竿雖然無地種且得隔離看露
葉晴猶濕風枝夏亦寒但教休翦伐何用報平安

秋色

憑高望不極望斷動愁情落日淒涼處西風點染成丹
楓明野驛白水浸江城馬上人回首戎戎黯客程

西州即事

一雨洗空碧江城獨倚樓山吞殘日沒水挾斷雲流燈

影深村夜鐘聲古寺秋西州舊遊地十載此淹留

春日即事

扶杖行幽逕園林欲暮天錦棠紅濯雨絲柳綠纒煙春
事忽三月風光又一年客懷正愁絕那復聽啼鵲

春日

春色濃於酒何須醉玉觴柳疎鶯占影花雜蜨分香往
事隨流水閒愁付夕陽吟邊自歌舞猶學少年狂

書山陰驛

迢遞三山道重來感舊遊潮聲寒帶雨山色淡生秋寄
驛通鄉信題詩記旅愁江湖十年客兩度到西州

宿甘露寺

山險疑無路縈迴一徑通鐘聲寒瀑外塔影夕陽中窗
出茶煙白鑪分葑火紅禪房遇耆舊清話數宵同

王可交昇仙臺

臺在青
龍鎮南

仙翁不可見惟有一空亭地冷春留雪林深晝見星松
篁團秀色蘭蕙吐幽馨立盡斜陽影閒看鶴刷翎

孤鴈

長空獨嘹唳，隱約背斜暉。
塞北離羣遠，江南失侶歸。
度雲憐隻影，照水認雙飛。
却羨投林鳥，相呼入翠微。

和茅亦山韻

愛靜吟成癖，耽書近欲癡。
事因多錯省，節不為貧移。
長物新添畫，生涯舊有詩。
窮通係天命，知命復何疑。

對客

窗下篝燈坐，相看白髮新。
共談為客事，同是異鄉人。
詩

寫梅花月茶煎穀雨春明朝愁遠別離思欲沾巾

林霽山架閣同宿山中

秋風山館客移席近汀前共話忽深夜相看非少年斗
垂天末樹鱗出雨餘天亦有茅檐下飯牛人未眠

鶴林仙壇寺

古壇歸鶴杳野鹿自成羣嵐氣浮清曉鐘聲出白雲樹
穿僧屋老水到寺門分人世無窮事山中了不聞

尹廷高

客中思歸

孤燈寒照影清夜自沈吟
砧杵他鄉淚松楸故國心
路長歸夢短酒淺客愁深
了却江湖債攜書隱竹林

八詠樓

婺州

披褐便歸休登臨底用愁
樓空偏愛月山瘦不勝秋
二水城根合孤雲天際浮
倚闌千古意鴻影去悠悠

壬午秋自翁村回奕山

竟別桑乾水歸并却似家
春風故巢燕夜雨廢池蛙
石

逕曾栽菊磚爐舊煮茶自憐萍梗迹何日定生涯

耕雲即事

閉門貧亦樂世態任炎涼夢穩疑宵短心閒覺晝長與
鷗分釣石留鶴伴丹房休笑生涯薄疎籬橘柚黃

山居

青山深處隱時事不須聞門閉千峰雨樓吞萬壑雲種
花籬密護接竹水遙分羞作干人能甘心鹿與羣

公羽村翠流閣

四圍山翠合縹緲見危樓地狹星辰少雲深水石幽溪
聲晴亦雨松影夏如秋寄語游方者桃源豈外求

古杭秋日

成毀乾坤老炎涼歲月忙冥鴻既寥廓煙鷺亦滄浪江
寺秋雲白宮牆夕照黃凭闌無限意一笑越山蒼

長蘆舟中夜坐

故國五千里孤帆四十程客懷偏浩蕩鄉夢不分明萬
折河流曲三更斗柄橫不眠方晏坐野寺又鐘聲

劉將孫

別蕭高鳳

惜與可人別又貪歸路長
人生有離別吾事屬閒忙
沽酒澆芳草垂鞭看夕陽
眼前聽鶴語世路劇茫茫

王義山

和王槐城寄詩韻

慣熟齏鹽味誰云食澹難
舊嘗司國子今又作儒官
有手肯炙熱無羶不怕寒
芹香至今在常夢到槐安

別中齋楊左丞

孤山久無主誰伴月昏黃歸興西湖動離情南浦傷官
清從馬瘦政暇又詩忙莫羨和羹事林逋有暗香

劉邊

林泉寺

采芳仍漱潔散策到來遲客坐自相語僧禪了不知疎
風潛入戶暗水細鳴池小作石牀夢夢中還覓詩

毛直方

野宿

歸恨逐春深，遲休欲縮程。
遠山何處碧，落日故鄉明。
路改柴門僻，村空石磴鳴。
乞蔬仍買米，一宿尚營營。

秋感

宇宙百年身，江湖萬里心。
世情高枕遠，詩味閉門深。
白髮銷窮達，青山傲古今。
情知秋亦客，何事感秋吟。

金履祥

城南塔院

佳境城南勝浮屠占十分漁釣船依竹僧齋鉢薦芹夜
寒雙港月日曉九峰雲不隨塵世改千古澌溪紋

甘泳

晚立黃洲

今度闌干倚蒼茫入暮天碧溪分市井華屋亂雲煙鐘
隔春來樹燈流夜去船惜哉題柱壯琴動鳳凰絃

別都爾丹

逍遙樓

身世雲霄上飄然思不窮
晴山排翠闥暮靄閔琳宮
牧笛殘雲外漁歌落照中
蓬萊凝望眼隱隱海霞紅

吳澄

送富州尹劉秉彝如京

六載心如一今朝船欲東
我來期數數公去忽匆匆
別意萬里外交情片語中
自憐棲病鶴不得逐長風

送唐教導往見鄉先達

謂余將有適暫此輟絃歌
城市囂塵遠山林遺逸多
樹

膏蘇隰稻涼意到庭柯為問躬耕者憂飢思若何

豫章貢院即事奉和雲林提舉晚春閒居舊韻
客裏秋光好歸心不厭遲牆低孤塔見院靜一簾垂隔
紙聞風怒臨堦看日移宛然似三徑未負菊花期

與張仲美別

已了公家事歸尋小洞天友吟留別句官辦送行船夜
月各千里春風又一年但當頻寄字惻懇問安眠

姚燧

寄暢純父治中

欲聞真息耗無使梓潼來烽火平時報田疇亂後開徒歌王粲賦不直士元才遙憶牛頭寺思親日幾迴

輿病高崖道中作

役役乾坤遠棲棲道路頻五年三入蜀十夢九歸秦瘡鬼偏凌客山英定笑人無勞問前渡祇覺白頭新

舟達黃溪

草木隨寒暑殊方榮悴同葦花兼露白檉葉未霜紅日

月雙飛鳥江湖一病翁晚來沙嶼上愁坐獨書空

盧摯

書梓潼山寺經堂

問俗來山郭攜春到隔溪花香破禪寂林樾愛鶯啼欲
和觀音偈聊乘醉墨題閒雲若留客不肯為予西

青華觀西軒

琳宇夏天曉官曹今日閒深松欲無路疎竹不遮山靜
對黃冠侶時看白鳥還平生林壑趣聊復此窗間

少林寺贈達禪師

是日得至面壁
菴觀達摩石影

古刹東風裏逢僧一解顏
杖經出深竹披衲下空山
未見天花墮聊看石影閒
何妨病居士明日到田間

李孟

贈黃秋江處士

君釣秋江月我耕秋谷雲
逃名君笑我伴食我慙君老
我素多病壯君高出羣
何時各歸去雲月總平分

偶成

日午山中道停驂進步難
鰾侵苔徑滑風入毳袍寒
匡國終無補全身尚未安
一尊茅店酒強飲不成歡

伊瑋

老人巖

幾年混玄境曾見繡衣游
刻石俯丹井題名瞰碧流
我來尋古跡魚躍上扁舟
還是宿緣否真仙微點頭

陳孚

過鏡湖

鏡水八百里水光如鏡明偶尋古寺坐便有清風生天
闊鴈一點山空猿數聲老僧作茗供笑下孤舟輕

越上早行

青鞵三十里草露惹衣斑潮落曹娥渡雲昏夏禹山秋
聲黃葉裏天影白鷗間欲問錢塘路漁家半掩關

登北固樓

北固間回首荒城夕照中煙光浮海闊天影入樓空星
斗占吳分江河見禹功誰家兩翁仲無語立秋風

瓜洲

煙際繫孤舟
蘆花滿棹秋
江空雙鴈落
天闊一星流
急鼓西津渡
殘燈北固樓
商人茅店下
沽酒話揚州

真州

淮海三千里
天開錦繡鄉
煙濃楊柳重
風淡芰荷香
翠戶粧營妓
紅橋稅海商
黃昏燈火闇
塵麝撲衣裳

金陵

六代帝王州
寒霞滿石頭
星河天北轉
江漢水東流
步

絕金蓮雨歌殘玉樹秋白頭有漁者猶說景陽樓

長淮有感

一笛山陽上東風蜃氣腥煙迷隋帝柳潮湧楚王萍曉
市推淮白秋郊獵海青古今愁不絕落日蓼花汀

邳州

沂水碧潺潺江沙白鳥閑林邊郊子國煙際嶧陽山茅
屋秋先到荒城夜不關烹魚呼濁酒一笑夕陽間

獻州

萬里天東北西風獨杖藜鴈聲秋帶魏樹色曉浮齊野
闊青煙澹天空白日低人家在何處隱隱野鳥啼

度三花嶺

絕壁三千丈荒煙八九家黃茅青草瘴黑質白章蛇橄
欖高懸子芭蕉倒吐花嶺頭一回首何處是京華

感懷呈龐夷簡修撰張幼度應奉

五湖煙浪闊短棹早歸休有母思臣密無人問客周關
河雙鬢晚風雨一燈秋留取金鑾夢寒汀對白鷗

觀光樓

試上危樓望東風尺五天一溪寒瀉月萬壑暝含煙古
塞黃雲外魏臺白鴈邊誰憐家萬里有客擁衾眠

雲州

天險龍門峽懸崖兀老蒼千蹄天馬躍一寸地椒香夜
雪青氊帳秋煙白土房路人遙指語十里是溫湯

送修撰輔伯賢同知滑州

又作州官去秋霜點鬢沙風生白馬渡月冷紫薇花三

釜娛親老雙旌放吏衙重來定何日雲路有靈槎

高克恭

岳陽樓

九水匯荆楚一樓名古今地連衡岳勝山壓洞庭深宿
鴈落前浦曉猿啼遠林倚闌搔白首空抱致君心

鮮于樞

建德溪行

山截溪將斷川回路忽通鳥聲青嶂裏人語翠微中元

圃參差是桃源想像同平生苦行役翻愛打頭風

湖上新居

吾愛吾廬好臨池構小亭無人致青李有客覓黃庭樹
古蟲書葉莎平鳥篆汀吾衰豈名世詎肯苦勞形

遊北山呈雲屋上人

犖确敗芒屨蒙籠礙筍輿半空橫鳥道絕頂見僧居興
盡拂衣下詩成借筆書彌天雲屋叟不見正愁予

過釣臺

霜髮孤舟客風帆七里灘漁家江樹晚鴈影水雲寒鄉
近人情好年豐老慮寬歸舟真誤矣何事著儒冠

次韻仇仁父晚秋雜興三首

薄宦長為客虛名不救貧又看新過鴈仍是未歸人茅
屋寒誰補柴車晚自巾青雲有知己潦倒若為親

地靜莓苔合心閑落葉深炎方秋尚暑水國晝多陰寓
意時觀畫怡情偶聽琴起予賴詩友為爾動微吟

身共賓鴻遠心同野鶴孤謀生知我拙學稼任兒愚止

望空思汴南遊未厭吳餐須問藜藿興不在蓴鱸

周馳

遠觀亭

徐君因仕宦便欲老江南風土知為美人情粗亦諳買
田收黑黍為圃樹黃柑我有相從意羈縻力未堪

結構開青野回環俯翠岑雲留芳樹暗草長繚垣深共
愛閑居樂相依歲晚心春醪求善釀過日許同斟

遠觀亭上望風物六朝餘古寺荆王宅荒墩謝傳居英

靈傳草樹冠蓋逐丘墟欲問當時事飛雲過太虛

郝天挺

寄李道復平章

聖主尊賢輔明時
伏老臣策勲分二陝
錫土列三秦
邊徼風塵息乾坤
雨露均遙知黃閣下
得句更清新

張伯淳

送李公略

風雪滿吟鞍長江望眼寬
宦情騰踏易聚久別離難人

去鶴應怨冬深梅不寒暮雲依舊碧幾度倚闌干

赴浙東

涉水是東州江南記舊游中年偏苦別薄宦欲何求岸
北雪仍在巔頭雲未收陰晴元不定且泛剡溪舟

送嶧山鄧同知

鄧君名譜系解后軟紅間解組郵京闕題輿向嶧山秋
清行色好地僻宦情閒已熟雲霄路何時報政還

次韻安野內翰梨花

玄景窮陰候春林早著花素妝臨曉鏡紅粉浣輕紗勝
賞懷京洛吟情軼永嘉泥中妨載酒咫尺路頭賒

送陳仲孚赴天台教諭

除書出紫薇百里較增輝又趣橫經去應如衣錦歸鄉
粉迷驛柳泮藻勝山薇問訊諸親友秋高鴈字稀

贈富翠屏

人海偶相逢淒涼共客中笑談良不惡去住若為同春
草池塘夜梨花院落風鄉人如問訊即此是詩筒

李燾

留別學宮諸友

萬事貴知止吾行已覺遲
忍聞三疊曲聊贈一篇詩
載酒相從處停舟不語時
感君無盡意重會若為期

安熙

次韻書事

野性元孤潔無朋儘自哦
業荒問道淺靜久閱人多
靈鳳寧棲枳冥鴻本避羅
南遊有高興何處是滄波

病中齋居雜詩次和仲韻五首

錄二首

時事今如此幽居獨慨然
心期鐘鼎外身世水雲邊
病骨便清晝高懷惜壯年
前修渺何在目斷夕陽天

多病交遊少相看動浹辰
賦詩聊遣興觀化足怡神
問字有知己過門無俗人
伊誰同此樂願許卜東鄰

于石

山居

結屋萬山頂柴扉晝懶開
擣茶驚鶴醒拋菓引猿來
笋

短和泥掘松高倚石栽有時尋勝去多趁暮鐘回

伊昔四首

伊昔西湖柳清陰滿畫樓午涼欺舞扇晚雨繫漁舟春
盡花無主風寒葉自秋六橋今在否空惜舊時遊

伊昔西湖上孤山幾樹梅斷離深院落流水舊亭臺
月無今古春風自去來逋仙不復作消瘦為誰開

伊昔西湖裏娉婷十里蓮香凝花上露影落鏡中天枕
簾水亭雨笙歌月夜船雙鴛不解事常傍翠陰眠

伊昔西湖外清陰九里松天低深雨露風怒走蛟龍林
靄通樵徑山雲隔寺鐘何時一行樂重到北高峰

得家書

久客秋又晚思家夢屢驚空堦聞葉落隔樹見燈明親
老貧常健兒癡學未成淒涼今夜月照我故鄉情

何失

我醉

我醉焉知老人扶不論家鶴衫飄月練烏帽墮風紗是

處相逢笑醒來更自誇神仙豈無有何必上煙霞

蕭國寶

閑居

開扉對東臯逸興覺偏豪積雨苔痕合殘陽樹影高獨
醒無酒債多病為詩勞學得安貧法悠然讀楚騷

秋思

閑看浮雲白臨風清且涼煙林含紫翠霜菊間青黃遠
浦沈孤鷺荒郊宿野航心空隨地靜木石自相忘

御選元詩卷三十四

謹案卷三十四第三十頁後七行別都爾丹舊作


伯篤曾丁今改

謹案第二頁後一行江雲似江水刊本江訛流據
郝經陵川集改

第二十四頁前五行夜坐即事呈脩竹按黃庚月
屋漫藁竹下有監簿二字

第二十五頁前三行何用報平安刊本何訛日據
黃庚月屋漫藁改





總校官庶吉士臣侍朝

校對官檢討臣蕭九成

謄錄監生臣周元

欽定四庫全書小薈要

集部

御選元詩卷三十五

六

欽定四庫全書薈要卷一萬八千四百四十七

集部

御選元詩卷三十五

五言律詩二

趙孟頫

春寒

夜雨鳴高枕春寒入敝袍
時光自花柳吾意豈蓬蒿
失色黃金盡知音白雪高山
林隱未得空覺此生勞

雪後同子俊遊何山次韻



同是清閒客俱為放浪遊晴山依雪壯野水帶冰流風
急松杉亂年登薺麥收生涯雖未老吾欲覓菟裘

步履行危磴憑闌得妙峰鳥飛迷故道人去想遺蹤掩
冉風前竹支離澗底松山僧飯不足不是忘鳴鐘

兵革時猶動山林日就荒子真思隱遯詹尹問行藏有
意隨三飯無人饋五漿遠山湖外白立馬見微茫

湍駛波翻雪風生地出雷薄醪隨意盡寒氣逼人來更
欲明朝去何妨迫暮回自憐非李廣醉尉莫相猜

早春

谿上春無賴，清晨坐水亭。
草芽隨意綠，柳色向人青。
初日收濃霧，微波亂小星。
誰歌采蘋曲，愁絕不堪聽。

重遊弁山

出郭聞鶯語，穿林散馬蹄。
澗松何鬱鬱，春草又萋萋。
白石那堪煮，丹厓尚可梯。
平生愛高興，只合此幽棲。

竹色迷行逕，松聲洶座隅。
水清花自照，風暖鳥相呼。
飲罷思棋局，歌長缺唾壺。
重來瀟灑地，聊足慰須臾。

魚樂樓

樓下南來水清冷百尺深菰蒲終夜響楊柳半谿陰日
月驅人世江湖動客心向來歌舞宴達曉看橫參
次韻陳無逸中秋月食風雨不見

谿月當圓夜看雲起暮愁曾陰連積水伏雨暗清秋白
壁難容玷明珠不可求每因觀節物轉覺此生浮

次韻子山登樓有感

西北高樓好登臨望眼空弁山橫雨外笠澤浸天東計

乏千金藥羞看百鍊銅只應將世事多付酒杯中
懷古情何極登危氣尚雄江山一時勝宇宙百年中翠
袖愁空谷綈袍受朔風超然高舉意決肯送孤鴻

次韻馮伯田秋興

搖落故園秋谿山處處幽無錢頻買酒多病倦登樓文
采陶彭澤丹青顧虎頭誰能混流俗浩蕩一浮漚

風緊草木變露寒沙水清蕭蘭嗟共悴鷓鴣忍先鳴黃
閣非吾事青山不世情浩歌聊感激裘馬任肥輕

興逐秋風發愁隨秋夜長繫書陽鳥遠促織候蟲忙世
已無劉表家徒有孟光故衣寒未補發篋動幽香

大都遇平江龍興寺僧間上座話唐綦母潛宿
龍興寺詩因次其韻

聞說龍興寺多年未款扉風林發松籟雨砌長苔衣殿
古燈光定房深磬韻微秋風動歸興一錫向空飛

送翟伯玉雲南省都事

萬里雲南路青山落照邊省郎新紫綬幕府舊紅蓮見

面嗟吾晚觀文覺子賢只應清淑氣不受瘴溪煙

雨

撼撼衆葉響滋滋生意新知誰實揮灑解使盡圓勻蛛
網懸珠絡荷盤瀉永銀喜涼生枕簟愁潤逼衣巾

次韻觀復表兄見簡

載酒無人到山園晝掩門泥深妨步履雨暗只空邨每
憶文園渴難忘北海尊何當來就飲聽我撫桐孫

次袁學士上都詩韻

曉日夾雲樹春風吹雪山飛鷹玄兔磧飲馬白狼灣寶
帶吳鉤迫金矛漢節閑將軍萬里外不怕二毛斑

秋夜

草蔓行多露蟲聲報早秋明河斜未轉大火已西流欲
作傳杯飲誰能秉燭遊清晨拂鞍馬適野擬消憂

獨夜

生事怜吾拙懷人阻道修角聲悲靜夜燈影伴幽憂水
落紅衣老天寒翠袖愁雲中有過鴈哀叫亦何求

聞角

吹角秋風裏邊聲入暮雲抑揚如自訴哀怨不堪聞老
馬行知道孤鴻飛念羣祇今霸陵尉那識舊將軍

贈權李玉兼簡李順甫

幕府文書靜湖山春事多風煙歸逸興花鳥助高歌自
愧諸生後其如二妙何卜鄰應有日退食數相過

送楊幼澄教授歸江西兼寄吳幼清

客裏相從久愁中欲別難此行登仕版未覺負儒冠北

度憐江總東歸憶幼安著書應滿屋妙處共誰看

送李青甫由御史出按四川

蜀道青天上繡衣驄馬行霜威御史府春色錦官城萬
里平戎報三年菽水清相逢一杯酒似為別離傾

李太白酒樓

城迫當年野樓高屬暮陰謫仙何俊逸此地昔登臨慷
慨空懷古徘徊獨賞心嶧山明望眼百里見遙岑

贈劉節軒侍御

驄馬人皆避沙鷗意獨閒天恩霑贈典泉壤慰慈顏樂
在簞瓢外春生杖履間閒閒且行樂但恐趨朝班

寄題陸振之與閒堂

一閒天所與萬事世從疎名教有樂地安心為廣居林
間聽啼鳥濠上看遊魚意適無餘想時還讀我書

鄧文原

滿目雲山樓

芳草孤舟度幽居一徑通江湖春雨外墟里暮煙中機

息鷗先下花飛水自東
臨流無限意畫史若為工

送吳宗師南祀歸

國老分茆社祠官從使星
鶴書來澗谷羽節動仙靈
寸草春逾碧黃花晚獨馨
真人有五采歸受蕊珠經

草木南薰候神仙上界官
平生修月斧萬里御風翰
江雨鳴星劍涼空憶露盤
白鷗秋水外相與醉憑闌

貧居

閉戶無塵雜看山有卧遊
半酣梳白髮新浴漱清流
讀

易茆齋曙彈琴竹院秋貧居聊足樂軒冕欲何求

袁桷

次韻善之雜興

習隱漸成癖苔光綠映扉辟名常好好絕俗任非非日
落長鏡柄天寒白苧衣南鵬五月息戢翼笑羣飛

昔日登臨地狂歌祇自求漢宮空有恨吳女不知愁雲
葉寒沙霽江花古岸秋何人持鐵板擊徹舊邊樓

鄧子清如竹蕭蕭澹世情下帷憐草色倚杖愛松聲嗜

癖成書賈身窮付筆畊乘槎空有約何日海邊城

月黑

月黑斗杓轉昏昏古柳壕干掬寒戍響窅堵亂烏號風
定歸潮急門深落葉高向來江上意無語獨蕭騷

舟中雜書

野色連雲白春聲引樹清遊魚新浪急歸鳥片帆輕曉
夢三千里風餐第幾程萍蓬元未穩徙倚問天明

挂席疎星外停舟獨柳邊團團風始陣怙怙月初弦隴

曲沙成雪吳歌水拍天行藏有如此把卷獨悠然

春睡元無著鄉心比酒醲飛花空有意小雨不成容獨
樹疑新堠羣鴉似亂峰艱難憐浩蕩散髮遂初慵

河落渾無底飄零總客塵春洲蘆鴈小曉戶柘蠶勻京
洛饒豐稔江湖樂賤貧低徊我不恨應有故山筠

桑柘斜陽道天然錦繡機雲容催溽暑花片憶春霏水
落新魚瘦風清宿麥肥歸程時屈指重午試生衣

立春日宿大清口舟中見新月二鼓雪作

春月如佳士翩翩欲上船相逢如昨日一別又新年水
鏡心胸朗空輪體質全更深飛雪急直與闕清妍

次韻陳剛中待制初秋

岸幘倚書楹寒砧徹四城馬歸人獨語鴈過月初生寂
寂候蟲急淒淒落葉清客懷誰與共搔首見參橫

次韻馬伯庸春思兼簡繼學

洛花千萬朵一一為君開粟暈排金縷酥凝爛玉杯美
人乘馬至仙子抱琴來莫學飛紅侶隨風喚不回

行窩春匝匝下榻望君來雙玉矜嬌思聯鑣騁逸才題
詩紅袖擁傳詔錦袍迴羞殺高眠者楊花滿綠苔

贈瑛上人住洞林

托鉢千巖裏松花凍未開哀猿依講席飢鳥下生臺潭
影留雲定鐘聲送月回山中太古雪為寄一瓢來

髻鬢侍諸父拜雙峯祠堂未嘗敢有題咏二十
年來接武於玉堂瀛洲霜露之思缺然有覩近
開平石長老興廢補仆光紹前聞遂述舊懷為

六詩且仙歎仰

錄三首

慚媿雙峰老光明兩足尊

新裝釋
迦佛像

午窗鈎竹影凍筆點

梅魂齋近烏噓樹禪迴虎伏門春來有新鴈勸我趨歸

轅

經院辛勤日千金記始興

創寺時以賜金千兩
經始今八十有四年

雨荒蟲

蝕拱壁壞鼠緣藤舊觀丹青復諸天錦繡承短簷增突

兀會見出盧能

書來修選僧堂舊有術士言太高俾沙
門減其柱然清班亦不聞有顯者故末

之及

寒徹清泉底山童上水華定金非在井

羅垓羅尊者語傳昔有一女子

墜釵其水遂定

煮米却成沙洗目能生電搜腸可當茶人持一

月去此月落誰家

雲州

天闊雲中郡剛風起沈寥
氈房聯澗曲土屋覆山椒
檀布朝朝市通薪戶戶燒
遙看塵起處深羨霍嫖姚

上京雜詠

雲護中街日風開北戶天
千溝凝白雪萬竈起青煙
午

溥曾持扇朝寒却衣綿松林空有界翦伐不知年

土屋層層綠沙坡簇簇黃馬喧知電急鴈過識天涼墨
菊清秋色金蓮細雨香內園通閬苑千樹壓羣芳

天闕虛無裏城低納遠山白榆迷鴈塞青草補龍灣市
簇家家近官清日日閒重遊深問俗漸恨鬢毛斑

舊歲寒冬惡霏霏土雨迷門荒懸馬革草淨絕牛蹄列
帳煙光慘空營月色低縣官捐粟帛歲晚得扶攜

上國饒為客天涼眼倍青白魚沙際網黃鼠草間鋤芍

藥園紅斗麻姑綴玉釘漸知塵骨換振佩接青冥

天錫清涼國晴霞綻雪峯月低疑墮兔雲近得攀龍寶
鑑頒冰徹筠籠賜果封白頭貂帽客為我話深冬

馳鼓村村應傳更趨進程草肥涼露白樹薄曉風清帳
殿橫金屋檀房簇錦城屬車流水度細點侍臣名

伏日瓊林宴名王總內朝帽尖花壓翠衣角錦圍貂炙
熟牛酥茱醅深馬乳澆柘枝旋舞急宛轉稱纖腰

市狹難馳馬泥深易沒車凍蠅爭日聚新燕掠風斜晚

汲喧沙井晨炊斷木槎閭閻通茗酪俗簡未全奢
長夏崇真館疎簾灑靜便支頤推萬古止息契重玄月
窟窓如雪天瓢酒似泉主人憐老客下榻不曾懸

再次韻

帝京環陸海平野接冰天龍吐青林火狼沈紫塞煙風
花秋黯淡雲葉雨連綿昔日君臣意深符卜洛年
寶閣凌空湧金壺映日黃梵音通朔漠法曲廣伊涼御
榻惟經帙宮爐獨篆香吾皇清淨德銀管願垂芳

高下雲中樹疎明雪外山坡凹茅結屋嶺轉水回灣禁
路分馳道沙場當內閑通明風露冷時許侍清班
晨起儀臺立煙青望眼迷草低鷹側目車逼馬迴蹄風
勁弓弦直泥融柱礎低蚊蠅深斂跡塵尾不須攜

紫極中天正森森接帝青雁歸傳帛信雉落舞紅翎寶
卮金千頃朱門帶萬釘瀛洲清淺處高坐納空冥

昔年曾扈蹕宿直對鼇峰錦掣蘭苕翠波翻墨沼龍起
居青簡注除拜紫泥封共說先皇日千官總住冬

土驛高低置蒼茫七日程馬通分熠燿牛酪注深清殘
雪明珠闕繁星列火城前山黃白處草藥不知名

千堞蜂腰凸羣山馬首朝沙場調俊鶻草窟射豐貂閑
舞花頻簇狂歌酒恣澆今年春事減土舍雪齊腰

箭落驚遊騎鈴傳督運車土風殊楚越驛道仿裛斜細
雨三更枕清秋八月槎夜聽繁管急漸習五陵奢

長齋孤館靜捧腹睡便便酒斷眸凝碧塵深鬢返玄凍
蜂粘暖草乳燕啄冰泉過翼時頻數鄉心日夜懸

客舍書事

客景真愁絕淒涼倍舊年
草穿沙觜縮雲住屋頭偏
竈冷厨煙溼窓低簷溜懸
畏寒難出戶盡日得高眠
愁極吟肩聳塵深望眼迷
屋隨冰上下山趁雪高低
乾酪餅爭挈生鹽斗可提
日斜看不足蹋舞共扶攜

蟾影穿窓蟄龍光拂席流
淒清三伏暑浙瀝九天秋水
惡停泥井水堅宿瓦溝年年
遊上國那識望鄉愁
禁堞防危石宮衢漾淺沙
犬能搜兔窟馬解避駝車童

翦青蔬甲僧分墨菊芽飄零堪慰藉小雨墊烏紗
宿霧成疎雨寒蓬捲細塵雲飛疑到地草長不知春香
几蜂喧密花房燕語真白頭關塞外猶作未歸人

張養浩

我愛雲莊好四首

我愛雲莊好溪流轉玉虹驚颺荷背白殘照鳥身紅遠
意微茫外真懽放浪中終身能若此甘作灌園翁

我愛雲莊好柴門俗客稀行田蟲撲帽坐樹蟻緣衣雲

水一銅鏡霜林萬錦機東岡陂故在辭聘未全非
我愛雲莊好衡門晝寂然苔香花覆砌石潤竹通泉獨
處蓬為屋閑遊杖挂錢白頭鄉社裏未覺媿前賢
我愛雲莊好民風太古淳婦勤絲滿簍兒嬾硯凝塵秦
系唐高士張融齊逸人只因疎散久每每忘冠巾

山行

一懶將成性春游尚爾勤花敬知雨力水皺見風文碧
落一明月青山半白雲却愁從此去塵冗又紛紛

晚霽

老懶便幽靜空庭步翠行牽牛上籬落鬬雀下簷楹斜
照慳窓影停雲足野情田園無限樂夫豈為逃名

晨起

戀枕嫌多夢開簾曙色迷鶴寒依戶立猿餒近廚號蹴
石泉鳴屋吞煙樹隱堤邨居真可喜觸處是詩題

冬夜早起

推枕人初起出門星尚存歲寒郊野闊天早樹林昏窓

影猶殘月雞聲已遠村孜孜何所事時取故書溫

上都道中

窮亘惟沙漠昔聞今信然行人鬢有雪野店竈無煙白
草牛羊地黃雲鵬鶚天故鄉何處是愁絕晚風前

休日郊外

久厭官居苦幽尋到澗阿鶴知松歲月鷗狎海風波野
迴塔孤立嶺高雲半過菟裘良未暇聊此慰蹉跎

晨興用俞立之韻

寒碧洲痕淺深青地勢平巖姿呈雅淡樹影碎空明窓
納一天曉人懷千古榮移牀高處坐遙看日東生

曹伯啓

初到江陰寄徐路教仲祥

自古江南地澄江小翠微訟清衙散早路僻客來稀李
子高風在春申故宅非晚涼無一事攜酒坐苔磯

夏夜露坐

露坐夜如何村居即澗阿蒼煙噴素月碧落轉銀河病

抑詩情減愁添睡思多秋風庭樹響勲業愧蹉跎

辛亥三月陪馬克修治書謁天游孫真人方丈
階前牡丹盛開卮酒同玩座中范提點索詩

拉友尋佳致琳宮引興長服膺思酒聖拭目待花王
逝水年華急行雲世態忙無因駐清景春色又斜陽

張珪

陰陽井

仙人修鍊地玉井著神功日月雙輪見陰陽兩竅通可

堪清徹底那便施無窮尚冀丹砂力當澆塵念空

馬祖常

送王眉叟真人

秋暉上寒竹白鶴立蒼苔石洞松花落雲房澗水來彈
琴翻道曲擣藥應猿哀別浦迴船急孤山看早梅

謁告書懷

先子桐鄉地年來憶舊遊山春花競發沙晚水閑流石
屋青霞夜藤牀碧樹秋防身龍具在強欲問吳鉤

送董仁甫之西臺幕

西南萬里地詔屬大行臺
秦樹浮天去巴江帶雪來
山河無用險邦國正須才
臺幕風流美書籤想盡開

呂梁

天府河流北徐方禹跡難
青山開石峽白日看風湍
星宿光芒合坤維脈絡蟠
吳船牽百丈釃酒酹陰官

海子橋

朝馬秋塵急天潢晚鏡舒
影圓雲度鳥波靜藻依魚石

棧通星漢銀河落水渠無人洗寒露為我媚芙蓉

崇真宮西梨花

春日梨花下相逢把臂行香痕憐粉白酒暈惜紅輕影
動簾穿燕聲來樹度鶯共當拚一醉莫待鬢華生

明日在羅中官園池次韻

帝里春光媚花前可獨行額黃團帶小眉綠畫痕輕蕩
槳波浮鷁裁衣粉妬鶯却愁風信惡明日樹陰生

出都

長城懷古處身在日華東水出盧龍塞山連碣石宮沙
鷗終自白霜樹忽然紅雲海鴻濛氣歸颿杳靄中

贈楊洞天道人

我自不入俗君今又欲仙鳥唳百花裏屋住萬山邊密
樹雲難過空潭月易圓題詩秋卷了為說小行年

五言六首

太行東北去形勢自天分一葦杭吳越千車輓朔雲衣
冠今復盛豪傑古猶聞欲獻三都賦茫然愧不文

不作還山夢因吟李杜詩平生無飽飯抵死只憂時事
實兼唐史風流挹楚詞山川舊遊處千載有餘悲

好去春山路騎驢罨畫中徜徉紫芝客憔悴鹿皮翁得
酒寧辭醉逢人莫語窮乾坤皆古意人自不相同

御史青驄馬詞臣白玉堂有才皆展驥此老尚亡羊雲
海迷舟路天風失雁行不須愁白髮正欲媚幽光

聞道光山縣城南十里賒人家依翠竹野水亂梅花應
有仙燒藥寧無客艤槎行當問田畝結屋貯煙霞

栽竹復栽花居然處士家有田供白飯無句咏青霞春
雨浮鄰甕秋船繫樹槎漁樵相見熟來聽讀南華

石田山居

光山楓製錦潢浦荻飛絲秫熟何論酒魚來不計錢卜
鄰多野老求藥有神仙為客留羹筍清晨步石田

四月淮天雨清林蔭碧池筍香鄰甕酒禽響客窓棋田
鼓春迎社鄉巫夜賽祠漸知飄泊久自覺是農師

作客何多意淮南即是家自嫌蘿屋小不正葛巾斜書

懶眠尤熟詩來酒更賒
春天雲嫵媚相對坐鷗沙
竟日無賓主山房一禿翁
竹光浮晝碧花蕊颺春紅
田父分雞桀鄰僧乞鶴籠
時行親杖屨未覺坐書空
淮南窮僻地先世有林廬
花曙鳴山鳥芹春躍岸魚
鼓琴仙度曲種杏客傳書
朋舊如相覓休嗔禮法疎

任士林

用子行韻簡周景遠應奉

供奉平生酒中郎
絕代書自便青瑣
直未放碧山居輩

行人誰在行藏意自如絲綸須世掌曾識典墳初

送許君實同知之任鄉邦因簡于有卿知州

一出已十載江流只目前家鄉荒政日客路獨醒年南
郡碑錢遠東山屐蘚圓歸心隨使鷁漠漠海雲邊

客遊華亭訪衛山齋

東浙青山少西湖白髮新漸多江海伴更卜水雲鄰楊
柳初籠雨蘼葭欲剩春不愁成汗漫天地有閒身

喜陳茂陽客歸

對坐頭俱白愁來強欲歌出門知己少遇事折肱多海
氣低青嶂年光暗綠莎不堪妻子笑舌在欲如何

上虞客中

黃葉空階曉清齋白髮人于于風力緊滴滴雨聲頻妻
子千山遠詩書一飯身人間有知己重老未相親

和杜元用見過韻

湖上新樓好相過不厭君年光吳地老客夢越江分聚
散無虛迹窮通有昔聞時遮西望眼冉冉見浮雲

十二月初六日曉發松江

冬霧比春濃舟行日未東可能辭物役豈敢怨塗窮清
興乘江水交情付曉風流年今白首何日慰飄蓬

九日詩寄明碧竹院

我豈人間客秋風託爾鄰一聲清唳鶴萬里壯遊身出
處自有道棲遲未厭貧黃花謾情思清對未歸人

貢奎

送劉道夫

西罨松篁路雪消沙水清
天寒行役倦酒醒別愁生
落日橫車影長雲送雁聲
梅花應未發留待照春晴

秋日陪集賢學士趙公敬夫憩龍山元真宮

山轉疑無地人家近隔村
野田秋穫閑岡路晚行喧
川淨雲生石溪平水到門
偶尋高士隱相見遂忘言

和鄭義山韻

自笑謀身拙相逢客歲寒
江湖猶泛梗日月奈飛丸
凍雪封堦合微燈照影單
鄉愁千萬斛消得酒杯寬

陽墅道中

馬上千峯列溪行不盡源野船高似屋山縣小如村路
繞田間曲池漫雨後渾靜來應最樂綠樹擁柴門

燈花

今夕離家遠燈花儘意開綠煙浮小暈紅焰落輕煤影
照頻占喜心挑莫見猜遙知兒女坐歡笑對銀臺

同朱克齋蔣教授游大梵寺

梅竹野人家橫塘跨古槎日斜鳴遠犢風急亂棲鴉細

路妨行轍高樓促怨笳感懷無盡景流恨到天涯

再和前韻

清溪盤百曲虹影駕橫槎春事怨行客夕陽啼亂鴉山
明分衆木天闊散悲笳却羨僧家勝推窓瞰水涯

居庸關早行

茅屋聞雞起羸驂並轡行澗深孤碓響山暗數燈明細
憶昔題處空慚不棄名客愁偏切耳斜月候蟲鳴

槍竿嶺

薄宦辭家遠，經秋未得歸。
直隨山北去，却背雁南飛。
川淨白雲起，郊平紅樹微。
憶曾留宿處，立馬認還非。

次韻袁伯長舟中雜書

百里長堤上，龍蔥夏木清。
山雲含雨重，溟浪挾風輕。
弱質辭官責，歸心數驛程。
江湖眼前闊，點點白鷗明。

憶昔相逢日，維舟夕樹邊。
岸花飛別酒，江雁落鳴絃。
夢斷三年客，雲分萬里天。
因君共行役，撫卷重悽然。

漸老慚何益，扁舟稍浣塵。
貼雲鷹翅闊，浮日草光勻。
坐

惻民風歎行甘客計貧遙知故園竹新綠半成筠

濟州

舊濟知何處新城久作州危橋通去驛高堰裏行舟市
雜荆吳客河分兗泗流人煙多似簇聒耳厭喧啾

清河

溪碧石生處山青雲起時藕花紅映岸藤蔓翠牽籬落
日漁家網微風酒市旗順流船漸急翻覺去心遲

彭城夜泊

今夜彭城月樓頭又許高故鄉千里別浮世百年勞酒
力消殘夢詩懷起舊豪西風稻粱雁江海去嗷嗷

真州

一雨淮南霽新城喜暫登江平流浩浩山遠路層層大
舶連檣發高樓列檻凭北居殊覺久眼畏火雲蒸

郊行

樹末炊煙綠人家住澗西風輕鶯語滑泥重燕飛低病
渴憐新釀閑吟憶舊題小莊蠶最熟喜欲報山妻

許有壬

沙湖道中

城居如坐井出郭始知春草色纔翻燒禽聲便可人遠
山來迤邐羸馬去逡巡喚醒三年夢東華足軟塵

荻港早行

水國宜秋晚羈愁感歲華清霜醉楓葉淡月隱蘆花漲
落高低路川平遠近沙炊煙青不斷山崦有人家

上京十詠

并序

元統甲戌分臺上京飲馬酒而甘嘗為作詩丁丑
分省日長多暇因數土產可紀者尚多又賦九題
并舊作為上京十詠云

馬酒

味似融甘露香疑釀醴泉新醅撞重白絕品挹清玄驥
子飢無乳將軍醉卧羶桐官聞漢史鯨吸有今年

秋羊

塞上寒風起庖人急尚供戎鹽春玉碎肥羴壓花重肉

淨燕支透膏凝琥珀濃年年神御殿頒餽每霑儂

黃羊

草美秋先膾沙平夜不藏解條文豹健齏炙宰夫忙有
肉須供世無魂亦似麀少年非好殺假爾試穿楊

黃鼠

北產推珍味南來怯陋容瓠肥宜不武人拱若為恭發
掘憐禽獮招徠或水攻君毋急盤饌幸自不穿墉

粃麵

坡遠花全白霜輕實便黃杵頭麩退墨磴齒雪流香玉

葉翻盤薄銀絲出漏長元宵貯膏火蒸黑笑南鄉

南鄉
蕎麵

黑甚熟則堅實若瓦
石可代陶蓋貯膏火

蘆朮

性質宜沙地栽培屬夏畦熟登甘似芋生薦脆如梨老
病消凝滯奇功直品題故園長尺許青葉更堪蘼

白菜

土焦新且嫩筐筥薦紛披可作青精飯仍攜玉版師清

風牙頰響真味士夫知南土稱秋末投簪要及時

沙菌

牛羊膏潤足物產借英華帳脚駢遮地

此物喜生車帳卓歇之地夏秋

則環繞其迹而出

釘頭怒戴沙齋厨供玉食毳索出羶車莫作

垂涎想家園有莫邪

地椒

凍雨催花紫輕風散野香刺沙尖葉細敷地亂條長楚
客收成裹奚童擷滿筐行厨供草具調鼎爾非良

韭花

西風吹野韭花發滿沙陀氣校葷蔬媚功於肉食多濃
香跨薑桂餘味及瓜茄我欲收其實歸山種澗阿

尋梅

何以慰吾衰梅花秀發時晚香傳遠樹春雪避南枝林
靜來差早溪深行獨遲與君謀一醉及此未離披

和可行展省歸過圭塘即席韻

墟里煙塵外巾車日日来疎林呈半塔初日見三臺酒

每從鄰貫詩寧待雨催衰年懷易感為我少遲回

七夕露坐感牛女事因成駁雜無實之言

別況經年慣佳期此夕通終天偽伉儷一水任西東人
世非無鵲羈窓漸有蛩鄜州共明月應是憶衰翁

圭塘獨坐

我屋來西圃輪蹄二里遙晚風收菡萏秋雨長芭蕉有
酒容開口無官免折腰柴門莫堅閉恐負野人招

新秋即事

莫蹋蒼苔破茨門
晝亦關林風秋入樹波
日晚搖山原
野蒼茫外煙霏指顧間
更須安一榻月夜不須還

許有孚

次和可翁新秋即事

池亭殘暑去樂事日相關
徑列霜前菊窓招雨後山
好詩來枕上爽氣滿人間
極目崇臺晚遙天一鶴還

張仲壽

王喬洞

聞說王喬洞遊觀樂我情松盤巖谷靜竹隱野泉清遺
斧碑存記看基石有枰青山飛白鶴千古爛柯名

蒲道源

將至中山

中山何處是隱隱望孤城遠靄青林暗斜陽白堦明韓
蘇名不朽遼宋恨應平策馬長途晚風沙老客情

偶書

入樹秋風早驚心節序遷晚雲兼去鶴涼雨靜鳴蟬得

句因新意耽書是宿緣平生愛冲澹何事亦華顛

九月十八日黃菊始開時且禁釀謾成示德衡

弟

苒苒秋事杪幽叢花始黃直須彫衆卉纔許見孤芳重
露洗金質嚴風吹綠裳陶翁如有酒何日不重陽

薛漢

和索德平

世路不可涉風霜苦見侵園廬長入夢歲月易驚心木

落秋容瘦雲昏雨意深登樓試長望烟水晚沈沈

寄余希聲

寄語中林友相思又幾朝書雖為路阻夢不怕山遙風
定落花漫雨深青草驕人情諒難必不似往來潮

搖落

搖落歲華晚蕭條門巷空黃花數點雨紅葉五更風挽
鏡徒催老耽書漫得窮親朋頓乖隔幽意若為同

枉渚

枉渚倚孤櫂意行隨杖藜鷗邊漁艇小牛後牧童低秋
色多因樹寒聲半是溪何當買茅屋此地卜幽棲

和伯雍夜坐

月落夜方半江空歲又闌浮生知易老久客欲歸難漏
靜忽聞笛樓高許倚欄呼燈更小酌起舞戲盤跚

湖上

一舸泛霜晴湖波寒更清平堤連野色遠市合春聲塵
土浪終日山林浮半生回頭夕陽外煙渚白鷗輕

胡炳文

拜岳鄂王墓

有公無此日再拜淚交頤大義君臣重孤忠天地知
鵠毛何太毒龍渡只如斯墳畔休留檜行人欲斧之

郭天錫

為僧作山水

門有方袍客圖成水墨山我非求肖似汝亦愛幽閒
密樹難分辨高僧任往還行當絕世事終老屋三間

三月十日寄了即休

白水起寒霧蒼林騰濕煙會心圖已竟假筆意難傳一
悟空中色相忘定外禪裏茶來竹院風雨落花前

李材

泊舟湘岸

長沙今在眼青草舊知名二月風檣疾三湘雪浪平藤
深帝子廟花發定王城莫議江南岸嘯鵲處處聲

游山寺

行行行復止行到白雲間見客意不俗逢僧心便閒細
泉分別澗小逕入他山擬借禪房榻追遊信宿還

何中

春郊

試數亂離年傷情更惘然牛羊荒草樹天地老風煙白
骨蒼苔外山花野水邊幽禽未棲宿來往自翩翩
歸鳥情方遠啼鵲淚未收淵明姑托醉老杜不勝愁雲
冷花無主山寒雨似秋江南春水足何處具扁舟

雨後晚行

謾適閒中興應知事外情江山歸釣影天地入笳聲小
市風煙合孤村竹樹清眼中賒小景收拾即詩成
棲鳥黃昏後歸牛蒼莽間水明疑有月煙澹欲無山幽
谷元非隱高人自喜閒徘徊不能去莎碧耿荒灣

奇石

奇石爭迎立青山互引前泠泠兩溪水澹澹一峯煙閒
作題巖字時逢采藥仙蒼厓恐隄絕松影一颼然

山中

何處征徭急
茲山水石奇
鳥鳴新葉長
磴仄斷雲移
趺坐天正碧
起行風自遲
徑穿松罅去
巾袂冒蛛絲

曉晴

一雨生春色
千山起曉晴
落花縈樹轉
幽鳥過林鳴
杳杳天如古
茫茫世有兵
開扉小倚杖
沙上草初生

南居寺

閉戶未從容
出門誰適從
聊隨碧溪轉
忽與白鷗逢
小

雨十數點澹煙三四峯峰峰看不足山寺已鳴鐘

饒州道上

新晴破積陰淑氣泛行襟千里山河眼百年耆舊心霞
飛滄海遠煙入綠村深學劍江東者茫茫不可尋

采山歸步

松邊采藥去谷裏帶雲歸步轉半厓側影涵空澗微獨
尋茅宇歇因看水春機數點山花落孤禽避客飛

病中感懷

多病他鄉外孤懷始覺愁山圍雙鷺曉門閉一蟬秋遇
合馮生缺勲名季子裘悠悠耦耕者端暇為人謀

留金溪夜雨達旦有懷

忽見干戈動他鄉隔老親一窓如此雨兩地未歸人雁
度關山暗雞催海宇晨誰能更敲枕聊挹曙光新

陳家源

翠霧斷厓側丹霞流水西竹從幽處密松自古來敲落
葉半藏路清風時滿溪仙家元不遠未許衆人知

龍池寺蒲石

底有貪竒意吾行亦偶然尋泉經絕壑看石到幽禪鳥
語前林日雞聲曲巷煙偶逢樵客歇共坐偃松邊

立秋夕作

但覺焦原苦何當沛澤流夕風微報響古木暗藏秋未
事實難測閔心遠作愁亂山高下碧煙靄澹浮浮

槎溪

岸斷風敲柳村寒雨病花妄心貪自適危路得長嗟別

壑亂雲散危灘歸鷺斜平生謝康樂幽意滿天涯

送人歸臨川

金河疎柳外去櫂響流澌為客有歸日送人愁別時寒
雲隨雁遠南雪到山遲舊隱書無恙行藏莫預期

絕江

挂席亂驚湍曾過此渡難潮歸揚子晚山入秣陵寒聽
語知鄉近忘年計日寬穩行隨夜泊煙火滿江干

鄱陽湖中除夕

除夕生能幾誰無骨肉親望鄉偏恨路在遠并遺身湖
雪殘波岸船燈獨夜人淹旬須一刻珍重故園春

送吳主簿之官石埭

簿領池州去開帆帶雨微當令公事簡見說縣人稀雲
入九華碧雁驚秋浦飛丁寧橋下水官滿載書歸

除夕

我有百除夕蘧廬是處安翻因歸路近始覺到家難浦
隔雁聲落篷孤燈影寒家人應共說賓閣尚盤桓

柳下

是誰安宅子占得綠楊陰
山色春來長溪流雨後聲樹
遙飛鳥疾人近戲魚沈
舟子船頭望安知不解吟

陳堯道

春日田園雜興

化日田園樂春風畊織圖
秧針蚪斗動桑暗鶉鳩呼罷
社翁分胙占蠶媪得符
傍花隨柳處此事不關吾

王禎

穀匣

取制異困京初憑梓匠成虛中元有受正位乃無傾封
鐫開還瀉方層貯每盈家家能置此亦號小常平

水筒

剡竹作連筒流泉一脈通勢雖由上下用不限西東遠
借居人便常資沛澤功伊誰憑好手扶起卧龍公

蟠車

績紡功才畢蟠鑪得此車行枕運樞臬交轅寄橫叉宛

轉金釵手周旋里布家豈知羅綺輩惟務撥琵琶

御選元詩卷三十五